

## КАФИСМА ВТОРАЯ

<sup>1</sup> В конѣц, о тайных Сына,  
псалом Давиду, 9

<sup>2</sup> Исповѣмся Тебѣ, Господи, всемъ сѣрдцемъ моимъ, повѣмъ вся чудеса Твоя. <sup>3</sup> Возвеселюся и возрадуюся о Тебѣ, пою имени Твоему, Вышний. <sup>4</sup> Внегда возвратится врагу моему вспять, изнемогут и погибнут от лица Твоего. <sup>5</sup> Яко сотворил еси суд мой и прю мою, сел еси на Престоле, судяй правду. <sup>6</sup> Запретил еси языком, и погѣбе нечестивый, имя его потребил еси в век и в век века. <sup>7</sup> Врагу оскудѣша оружія в конѣц, и грады разрушил еси, погѣбе пѣмь его с шумом. <sup>8</sup> И Господь во век пребывает, уготова на суд Престол Свой, <sup>9</sup> и Той судити имать вселенней в правду, судити имать людем в правоте. <sup>10</sup> И бысть Господь прибежище убогому, помощник во благовременіих, в скорбех. <sup>11</sup> И да уповают на Тя знающіи имя Твое, яко не оставил еси взыскающих Тя, Господи. <sup>12</sup> Пойте Господеву, живущему в Сионе, возвестите во языцех начинания Его, <sup>13</sup> яко взыскай крови их помяну, не забудь звания убогих. <sup>14</sup> Помилуй мя, Господи, виждь смирение мое от враг моих, возносяй мя от врат смертных, <sup>15</sup> Яко да возвещу вся хвалы Твоя во вратах дщере Сиони, возрадуемся о спасении Твоем. <sup>16</sup> Углубоша языцы в пагубе, юже сотвориша, в сети сей, юже скрѣша, увязе нога их. <sup>17</sup> Знаемъ есть Господь судьбы творяй, в делех руку своею увязе грѣшник. <sup>18</sup> Да возвратятся грѣшницы во ад, вси языцы забывающіи Бога. <sup>19</sup> Яко не до конца забвенъ будетъ нищій, терпение убогих не погибнет до конца. <sup>20</sup> Воскресни, Господи, да не крепится человек, да судятся языцы предъ Тобою. <sup>21</sup> Постави, Господи, законоположителя надъ ними, да разумѣютъ языцы, яко человецы суть. <sup>22</sup> Вскую, Господи, отстоя далече, презираеши во благовременіих, в скорбех? <sup>23</sup> Внегда гордится нечестивому, возгарается нищій, увязаютъ в советех, яже помышляютъ. <sup>24</sup> Яко хвалимъ есть грѣшный в похотехъ души своея, и обидяй благословимъ есть. <sup>25</sup> Раздражи Господа грѣшный, по множеству гнева своего не взыщет, несть Бога предъ ним. <sup>26</sup> Оскверняются пути его на всяко время, отъемлются судьбы Твоя от лица его,

всеми враги своими обладает. <sup>27</sup> Рече бо в сердце своем, не подвижуся от рода в род без зла, <sup>28</sup> егоже клятвы уста его полна суть, и горести и льсти, под языком его труд и болезнь. <sup>29</sup> Приседит в ловительстве с богатыми в тайных, еже убить неповиннаго, очи его на нищаго призираете. <sup>30</sup> Ловит в тайне яко лев во ограде своей, ловит еже восхитити нищаго, восхитити нищаго, внемгда привлещи и в сети своей. <sup>31</sup> Смирит его, преклонится и падет, внемгда ему обладати убогими. <sup>32</sup> Рече бо в сердце своем: забы Бог, отврати лице Своё, да не видит до конца. <sup>33</sup> Воскресни, Господи Боже мой, да вознесется рука Твоя, не забуди убогих Твоих до конца. <sup>34</sup> Чесо ради прогнева нечестивый Бога? Рече бо в сердце своем, не взыщет. <sup>35</sup> Видиши, яко Ты болезнь и ярость сматряеши, да предан будет в руке Твои, Тебе оставлен есть нищий, сиру Ты буди помощник. <sup>36</sup> Сокруши мышцу грешному и лукавому, взыщется грех его и не обрящется. <sup>37</sup> Господь Царь во век и в век века, погибнете, языцы, от земли Его. <sup>38</sup> Желание убогих услышал еси, Господи, уготованию сердца их внят ухо Твое. <sup>39</sup> Суди сиру и смирену, да не приложит ктому величаться человек на земли.

### В конец, псалом Давиду, 10

<sup>1</sup> На Господа уповах, како речете души моей: превитай по горам, яко птица? <sup>2</sup> Яко се, грешницы налякоша лук, уготоваша стрелы в туле, состреляти во мраце правыя сердцем. <sup>3</sup> Зане яже Ты совершил еси, они разрушиша, праведник же что сотвори? Господь во храме святем Своём. <sup>4</sup> Господь, на Небеси Престол Его, очи Его на нищаго призираете, вежди Его испытает сыны человеческия. <sup>5</sup> Господь испытает праведнаго и нечестиваго, любяй же неправду ненавидит свою душу. <sup>6</sup> Одождит на грешники сети, огонь и жупел, и дух бурен часть чаши их. <sup>7</sup> Яко праведен Господь, и правды возлюбил, правоты виде лице Его.

*Слава:*

<sup>1</sup> В конец, о осмей,  
псалом Давиду, 11

<sup>2</sup> Спаси́ мя, Го́споди, я́ко оскуде́ преподо́бный, я́ко умали́шася  
и́стины от сыно́в челове́ческих. <sup>3</sup> Су́етная глаго́ла кийждо ко  
и́скреннему своему́, устне́ льстивыя в се́рдце, и в се́рдце глаго́лаша  
зла́я. <sup>4</sup> Потреби́т Госпо́дь вся устны́ льстивыя, язы́к велере́чивый, <sup>5</sup>  
ре́кшыя: язы́к наш возвели́чим, устны́ на́ша при нас суть, кто нам  
Госпо́дь есть? <sup>6</sup> Стра́сти ра́ди ни́щих и воздыха́ния убо́гих ныне  
воскресну́, глаго́лет Госпо́дь, положу́ся во спасе́ние, не обвиню́ся о  
нем. <sup>7</sup> Словеса́ Госпо́дня словеса́ чи́ста, серебро́ разжже́но,  
искуше́но земли́, очище́но седмери́цею. <sup>8</sup> Ты, Го́споди, сохрани́ши  
ны и соблюде́ши ны от ро́да сего́ и во век. <sup>9</sup> Окрест нечестивии  
хо́дят, по высоте́ Твое́й умно́жил еси́ сы́ны челове́ческия.

<sup>1</sup> В конце́,  
псалом Давиду, 12

<sup>2</sup> Доко́ле, Го́споди, забуде́ши мя до конца́? Доко́ле отвраща́еши  
лице́ Твое́ от мене́? <sup>3</sup> Доко́ле положу́ советы́ в души́ мое́й, боле́зни в  
се́рдце моемъ день и ночь? Доко́ле вознесе́тся враг мой на мя? <sup>4</sup>  
При́зри, услы́ши мя, Го́споди Бо́же мой, просвети́ о́чи мои́, <sup>5</sup> да не  
когда́ усну́ в смерть, да не когда́ рече́т враг мой, укрепих́ся на него́. <sup>6</sup>  
Стужа́ющие ми возра́дуются, а́ще подви́жуся. <sup>7</sup> Аз же на ми́лость  
твою́ упова́х, возра́дуется се́рдце мое́ о спасе́нии Твое́м, воспою́  
Го́сподеви благоде́явшему мне и пою́ имени́ Го́спода Вы́шняго.

В конце́,  
псалом Давиду, 13

<sup>1</sup> Рече́ безу́мен в се́рдце своемъ, несть Бог. Раствле́ша и омерзи́шася  
в начина́нии, несть творя́й благосты́ню. <sup>2</sup> Госпо́дь с Небесе́  
прини́че на сы́ны челове́ческия, ви́дети, а́ще есть разумева́яй или́  
взыска́яй Бо́га. <sup>3</sup> Всеи́ уклони́шася, вку́пе неключи́ми бы́ша: несть  
творя́й благосты́ню, несть до еди́наго. <sup>4</sup> Ни ли́ уразуме́ют всеи́  
де́лающие беззакóние, снеда́ющие лю́ди моя́ в снедь хлэ́ба?  
Го́спода не призва́ша. <sup>5</sup> Та́мо убоя́шася стра́ха, иде́же не бе страх,  
я́ко Госпо́дь в ро́де пра́ведных. <sup>6</sup> Совет ни́щаго посра́ми́сте, Госпо́дь  
же упова́ние его́ есть. <sup>7</sup> Кто даст от Си́она спасе́ние Изра́илево? <sup>8</sup>

**Внегда возвратит Господь пленение людей Своих, возрадуется Иаков, и возвеселится Израиль.**

Слава:

**В конец,  
псалом Давиду, 14**

**<sup>1</sup> Господи, кто обитает в жилищи Твоём? Или кто вселится во святую гору Твою? <sup>2</sup> Ходяй непорочен и делаяй правду, глаголяй истину в сердце своём. <sup>3</sup> Иже не ульсти языком своим и не сотвори искреннему своему зла, и поношения не прият на ближних своя. <sup>4</sup> Уничжен есть пред ним лукавней, боящая же ся Господа славит, кленыйся искреннему своему и не отменяся. <sup>5</sup> Сребра своего не даде в лихву и мзды на повинных не прият. Творяй сия не подвижится во век.**

**Столпописание Давиду, 15**

**<sup>1</sup> Сохрани мя, Господи, яко на Тя уповах. <sup>2</sup> Рех Господеви: Господь мой еси Ты, яко благих моих не требуеши. <sup>3</sup> Святым, иже суть на земли Его, удивил Господь вся хотения Своя в них. <sup>4</sup> Умножишася немощи их, по сих ускориша: не соберу соборы их от кровей, ни помяну же имен их устнама моима. <sup>5</sup> Господь часть достояния моего и чаши моея, Ты еси устраяяй достояние мое мне. <sup>6</sup> Ужя нападоша ми в державных моих, ибо достояние мое державно есть мне. <sup>7</sup> Благословлю Господа, вразумившаго мя, ещё же и до нощи наказаша мя утробы моя. <sup>8</sup> Предзрех Господа пред мною выну, яко одесную мене есть, да не подвижуся. <sup>9</sup> Сего ради возвеселися сердце мое, и возрадовася язык мой, ещё же и плоть моя вселится на уповании. <sup>10</sup> Яко не оставиши душу мою во аде, ниже даси преподобному Твоему видети истления. <sup>11</sup> Сказал ми еси пути живота, исполниши мя веселия с лицем Твоим, красота в деснице Твоей в конец.**

**Молитва Давиду, 16**

<sup>1</sup> Услы́ши, Го́споди, правду мою́, вонми́ моле́нию моему́, внуши́ моли́тву мою́ не во устна́х льсти́вых. <sup>2</sup> От лица́ Твоего́ судьба́ моя́ изы́дет, о́чи мои́ да ви́дита правоты́. <sup>3</sup> Искуси́л еси́ се́рдце мое́, посети́л еси́ но́щию, искуси́л мя еси́, и не обрете́ся во мне неправда. <sup>4</sup> Яко да не возглаго́лют уста́ моя́ дел челове́ческих, за словеса́ устен Твои́х аз сохрани́х пути́ же́стоки. <sup>5</sup> Соверши́ стопы́ моя́ во стезя́х Твои́х, да не подви́жутся стопы́ моя́. <sup>6</sup> Аз воззва́х, яко услы́шал мя еси́, Бо́же, приклони́ у́хо Твое́ мне и услы́ши глаго́лы моя́. <sup>7</sup> Удиви́ ми́лости Твоя́, спаса́яй упова́ющыя на Тя от проти́влящихся десни́це Твое́й. <sup>8</sup> Сохрани́ мя, Го́споди, яко зе́ницу о́ка, в кро́ве крилу́ Твоею́ покры́еши мя. <sup>9</sup> От лица́ нечести́вых остра́стших мя, врази́ мои́ ду́шу мою́ одержа́ша. <sup>10</sup> Тук свой затвори́ша, уста́ их глаго́лаша горды́ню. <sup>11</sup> Изгоня́щии мя ны́не обыдо́ша мя, о́чи свои́ возложи́ша уклони́ти на зе́млю. <sup>12</sup> Объя́ша мя яко лев гото́в на лов и яко ски́мен обита́яй в та́йных. <sup>13</sup> Воскресни́, Го́споди, предвари́ я́ и запни́ им, изба́ви ду́шу мою́ от нечести́ваго, ору́жие Твое́ от враг руки́ Твоея́, <sup>14</sup> Го́споди, от ма́лых от земли́, раздели́ я́ в животé их, и сокрове́нных Твои́х испо́лнися чре́во их, насы́тишася сыно́в, и оста́виша оста́нки младенце́м своим. <sup>15</sup> Аз же правдо́ю явлю́ся лицу́ Твоему́, насы́щуся, внегда́ явити́ ми ся сла́ве Твое́й.

Слава:

*По 2-й кафисме, Трисвятое.*

Тропарь, глас 2: Аз сый дре́во непло́дное, Го́споди, умилéния плода́ не ношу́ отнюдь и посече́ния страшу́ся, и огня́ она́го бою́ся негасима́го. Те́мже Тя молю́: прэ́жде о́ныя ну́жды обрати́ и спаси́ мя. Яко во́лны морски́я, на мя воста́ша беззакóния моя́, яко корабле́ц в пучи́не, аз еди́н обурева́юся от прегреше́ний мно́гих, но в ти́хое пристáнище наста́ви мя, Го́споди, пока́нием и спаси́ мя.

*Слава:* Помилуй́ мя, рече́ Дави́д, и аз Тебе́ зову́: согреших, Спа́се, грехи́ моя́ очисти́в пока́нием, помилуй́ мя.

*И ны́не:* Предста́тельство те́плое христиа́н, Сы́на Твоего́ моли́, Богоро́дице, вся́каго злоде́йства и лю́тости изба́вити нас рáтника, и да́ти прощéние нам, о ни́хже согрешихом, милосе́рдия ра́ди щедрóт, Твои́ми моли́твами, Ма́ти Де́во.

Го́споди, помилуй́ (40) и молитва:

**Владыко Вседержителю, Отче Господа нашего Иисуса Христа, Единородного Твоего Сына, даждь ми тело нескверное, сердце чистое, ум бодр, разум незаблудный, Духа Святаго нашествие, к стяжанию и довольству истины во Христе Твоём: с Нимже Тебе слава подобает, честь и поклонение, со Святым Духом ныне и присно, и во веки веков, аминь.**